

مجله دانش

س ۱ ۳۰ ۳ ۱ ۳ ۱

والله يهدي من يشاء الى صراط مستقيم ديني . علمي ، ادبي ، سياسي هفته لاق مجموعه اسلاميه در
اتبعون اهدكم سبيل الرشاد

صاحب دمير مسئول : ح . اشرف اديب

تقدیرده برشی قازانه مایه جق، چونکه بوتون شان وشرف جد محترمنه عائد اولوب کندیس یابانجی موقعنده قاله جق. اصالتی اثبات ایدمه مدیکی صورتده ایسه، فضله اوله رق برده یالانجلیق رذیله سنی یوکلنه جک. «اکابر امتدن مولانا شاه نقشبندره: «سلسله نسبک زردیه واریر.» دیمشله. «سلسله نسبیله کیمسه بریره وارده ماز!» جوابی آلمشله.

محمد عاکف

فَقْرٌ وَفَتْاوی

فقه و عبارات اسلامیه تاریخچه:

حج

۸

بعض احادیث شریفه دن برائة سورة جلیله سنک حضرت ابوبکر یوله چیقمه دن نازل اولوب بوجهتک تبلیغی دخی آکا حواله ایدیش اولدینی، یوم نحر کونی مناده حضرت علیدن ماعدا ابوهریره ورفقاسنک حضرت صدیقک امریله وظیفه تبلیغیه نک ایفاسی جهته اشتراک ایتیش اولدقلى آکلاشیلیور. فقط بخارینک حضرت ابوهریره دن نقلاً روایت ایتدیکی مختلف حدیثله، کتب سیر وتواریخه، تفسیرله باقیلیرسه برائة سورة جلیله سی نازل اولمه دن علیه الصلوة والسلام اقدمزجه بوندن بویله مشرکک حج ایتمه ملری، عریانک کعبه یی طوافلرینه مساعده ایدیله سی جهتی تقرر ایدره کتبایغ ایتک اوزره صدیق رضی الله عنه تودیع وآنک ده آنجق شو جهتلردن تبلیغی ابوهریره وسائر بعض صحابه لره حواله ایتیش اولدینی آکلاشیلیور. بوحاله کوره برائة سورة جلیله سی حجاج کرام یوله چیقدقندن صوکره نازل اولمش، بناء علیه حضرت علی سورة جلیله نک ابتداسندن قرق قدر آیتک تلاوتیله حاوی اولدینی احکامک تبلیغیه صوکرادن مأمور ایدلمش اولدینی ذهنه تبادر ایدره. هله بخارینک حمید بن عبدالرحمنه مستند اوله رق مختلف طریقله ایله حضرت ابوهریره دن روایت ایتدیکی بوجه آتی حدیث شریفه باقیله جق اولورسه بوجهت حقنده غلبه ظن تأمین ایدمه بیله جک نکات لطیفه یه تصادف اولنور:

[- ان ابا هريرة - قال: «بعتني ابوبكر في تلك الحجة في مؤذنين بعثهم يوم النحر يؤذنون بني ان لا يحج بعد العام مشرك ولا يطوف بالبيت عريان» - قال حميد بن عبد الرحمن: ثم اردف رسول الله صلى الله عليه وسلم بعلي بن ابي طالب وامره ان يؤذن ببرائة؛ قال ابو هريرة: - فاذن معنا على يوم النحر في اهل منى ببرائة وان لا يحج بعد العام مشرك ولا يطوف بالبيت عريان »]

ایشته بو حدیث شریفده ابوهریره رضی الله عنه کندیسنک شو حج ائناسنده نحر کونی مناده حضرت ابوبکرک بعث واتخاب ایتسیله:

« لا يحج بعد العام مشرك » ، « ولا يطوف بالبيت عريان » ديه ندا ایدن منادیلر جمله سندن بولندیغنی. حضرت علینک ده کندیلریله برابر بولنوب، فقط آنک اهل منایه قارشى هم برائة سورة جلیله سنی تلاوت هم ده باشقه مؤذنلرک ندا ایتدیکی ایکی ماده یی ده اعلان ایدلیکنی حکایه بویوریور.

بوحدیث شریفک راویسی بولنان حمید بن عبدالرحمن حضرتلری دخی حدیثی یاریسندده کسه رک حضرت ابوهریره نک « فاذن معنا علی ... » ديه سویله جکی سوزینه بر نوع مقدمه وتمهید اولمق اوزره کندی طرفندن: « ثم اردف رسول الله ... » ديه رک حضرت علینک با امر رسالتیله برائة سورة جلیله سنی تلاوت ایتک اوزره آرقه دن کوندرلمش اولدیغنی درمیان ایدیور. ایشته شو حدیث شریفک هیئت مجموعه سنه دقت ایدیله جک اولورسه منطوق ومفهومندن بوجه آتی معلومات الده ایدیلیر:

(۱) بو حج ائناسنده وظیفه اعلام واعلانک ایفاسنه علی وابوهریره رضی الله عنهما دن باشقه دیگر ذوات ده اشتراک ایتیش، بناء علیه بونلر بر هیئت اولمشلردر.

(۲) بو هیئت - حضرت علی مستثنی اولمق اوزره - حضرت صدیق طرفندن انتخاب وبعث اولمشلردر.

(۳) بو هیئت نحر کونی مناده اهلایه قارشى « لا يحج بعد العام مشرك » ، « ولا يطوف بالبيت عريان » ديه ندا ایتمشلردر.

(۴) بو هیئت برائة سورة جلیله سنی تلاوت ایله مأمور اولماشلردر.

(۵) حضرت علی ده بو هیئت ایله برابر بولمشدر.

(۶) حضرت علی مدینه دن حجاج ایله برابر چیقمش دکل، آرقه لرندن کلمشدر.

(۷) حضرت علی، بو وظیفه یی حضرت صدیقک انتخابیله دکل، بلکه رسالتیله اقدمزک تنسیب وامریله ایفا ایتمشدر.

(۸) حضرت علی بو هیئت کی آنجق او ایکی ماده نک اعلانی ایله دکل، بلکه زیاده اوله رق برائة سورة جلیله سنک تلاوتی - وحاوی اولدینی احکامک تبلیغی - ایله موظف اولمشدر.

(۹) برائة سورة جلیله سی حجاج مسلمین یوله چیقدقندن صوکره نازل اولمشدر.

بو حوالده نتیجه اوله رق حضرت رسالتجه وحی غیرمتلو ایله بعدما مشرکک حج ایتمه ملری، عریانک کعبه یی طواف ایتمه لرینه مساعده ایدیله سی جهتی سورة برائة نازل اولمه دن، قافله حجاج حرکت ایتمه دن تقرر ایدره ک بونک اعلان وتعمیمی ده حضرت صدیق تودیع اولمش؛ آنلرک حرکتی متعاقب سورده نازل اوله رق ومقررات سابقه یی تأیید ایتدکدن ماعدا برده عهدده دائر احکامی حاوی اولدیغندن هر حالده عمومه قارشى تلاوت واحکامک اعلانی اقتضا ایتمکله ایشته اولکیلر ایله برابر بوجهتک ایفاسی ایچونده حضرت علی مأمور ایدیلمشدر، دینیه بیلیر.

طوقوزنجی سنه حجتك ذی الحجه ده دكل، بلكه ذی القعدة ده ادا ایدیش بولندی می دانه چقیور دیمك ایستور . فقط بونك اوقدر صاغلام بر دلیل اولدی می دانددر . چونكه طوقوزنجی سنه حجتك مثلاً ذی الحجه ده ادا ایدیش بولمسندن فرضیته اقتضای ایتمز . چونكه حجتك شریعت ابراهیمیجه وقت اصلیسنه عودت ایتسی و بناء علیه طوقوزنجی سنه حجتك اووقت ادا ایدیش اولمسیله شریعت اسلامیجه وجوبی آراسنده برتلازم یوقدر .

طوقوزنجی سنه حجتك ذی القعدة آینده ادا ایدیش اولدیغنه دائر حضرت مجاهدك سوزینی تقویه ایدیهك صاغلامجه هیچ برشیئه تصادف ایدیه مدیكى حالده ذی الحجه آینده ادا ایدیش بولمسی حقنده علم دكلسه بیله قوی بر ظن تأمین ایدیه بیلهك استنادكاهلر بولمق قابلددر . سورة توبه نك « و آذان من الله ورسوله الى الناس يوم الحج الاكبر ان الله برئ من المشركين » آیت کریمه سنده « يوم الحج الاكبر » ك « يوم النحر » ایله تفسیری مأثور اولمش و بو يوم نحر كده طوقوزنجی سنه سی حضرت علینك مناده مأموریتنی ایفا ایتدیكى كونك « يوم نحر » اولیشنه نظراً او حجتك ذی الحجه ده ادا ایدیش اولدیغنه قائل اولمق ممكن در . چونكه يوم نحر ك ايام ذی الحجه دن اولدیغی معلومدر .

ینه براءة سورة جلیله سنه « انما النسئ زيادة في الكفر يضل به الذين كفروا يحلونه عاما ويحرمونه عاما ليواطوا عدة ما حرم الله فيحلوا ما حرم الله زين لهم سوء اعمالهم والله لا يهدي القوم الكافرين » ديه تقييح ایدیلر كن دیکر طرفدن حجتك مشروع اولدیغی وقتدن مقدم اوله رق نسی ایله ذی القعدة آینده ایدیش بولمق احتمالی یوقدر . چونكه اولجه سوبلندیكى اوزره سورة جلیله هر حالده طوقوزنجی سنه حجتدن اول نازل اولمشدر . شو حالده مسلمین هیچ بر معذرت یوق ایکن ، امر حج کندی اللرنده ایکن حجلرینی اسلامیتجه اولان نسی اوزرینه بنا ایتیه جکلری شبهه سزدر .

حليم ثابت

تأليف

قلیچ دینی

دردنجی باب

مقام ر بنی اسرائیل

حکام عصری تاریخ بنی اسرائیلک دوره قهرمانیسیدر ؛ بودوره بر جوق جسورانه سرکدشتلر ، بر طاقم احوال قهرمانانه شخصیه مشهور اولور . حکای نام و موقع لرینه اصعاء ایدن مزیات ، فعالیت شخصیه ، جرأت و خنده دن عبارت ایدی . بودوات بر حکومت عظیمه نك قانونی رؤساستدن زیاده شجیع ، متشبث اختلافلرله ، عصاته مشابه بولنیورلر . باقیلر سه عبرانی حکامنك وظیفه و صلاحیتلری بر لزوم شدید اوزرینه ،

هجرتك طوقوزنجی سنه سی ایفا ایدیلن بوحج ، فرض اوله رقی ، یاخود فرض دکرده مشروعیت قدیمه سی اوزره باتی قالدیغندن سنت سنیه خلیله یه اتباعامی قیلنمشدر ؛ علمای محترمه ایشته بوجهتلك تعیننی خصوصنده اختلاف ایتشلرددر . دقت ایدیهك اولورسه بواختلاف حجتك تاریخ افتراضی ، برده طوقوزنجی سنه سی حجتك ذی القعدة ده می ، یاخود ذی الحجه ده می ایفا ایدیش اولدیغی حقنده کی اختلافلردن نشأت ایتکده اولدیغی کوریلیر . حج هجرتك اونجی سنه لری ابتداسنه طوغری فرض ایدیش ، یاخود طوقوزنجی سنه حجتی ذی القعدة ده قیلنمش ایسه ، شبهه سز حج مباحوث عنك فرض اوله رق ایفا ایدیه مش اولدیغی آکلاشیور . چونكه تکلیف وقوع بولمده دن ادا ایدیلن حجتك فرض اوله رق قیلنمش صایلمسی ممکن اولمادیغی کی ، شریعت اسلامیجه فرض اولان حج ده آنحقی ذی الحجه نك ایلک اوننده کی معین کونلرده اجرا ایدیلیر . شو حالده بوراده اولان طوقوزنجی سنه حجتك ذی القعدة ده می ، یوقسه ذی الحجه ده می ادا ایدیش اولدیغی ؛ ثانیاً حجتك تاریخ افتراضی حقنده اولان سوزی مختصراً اولسون نظرتفتیش و محاکمه دن بکیرمك اقتضا ایدر .

مجاهد رضی الله عنه و اتباعی بوحجتك ذی الحجه ده دكل ، بلكه عادت جاهلیه اوزره نسی طریقله وقت اصلیسندن تقدیماً ذی القعدة آینده اجرا ایدیش اولدیغی درمیان ، بعضلری ده بونك ذی القعدة ده دكل ، بلكه ذی الحجه آینده ، حج کونلرنده قیلنمش اولدیغی روایت ایدیورلر . ایشته بوسوزلرك ایکسی ده ادعا دكل ، بلكه اولمش بتمش بر حادثه نی حکایه و روایتدن عبارتدر . فقط اویله روایتلرکه برینك صدق ، دیکرینك وهم و خطا اولدیغی اقتضا ایدیور . چونكه عین حادثه نك هم ذی القعدة ، هم ده ذی الحجه ده وقوعه ککش بولمق احتمالی یوقدر . هر حالده بریسنده وقوعه ککش اوله جقدر . علمای متأخریندن بعضلری برنجی روایتی ، بعضلری ده ایکنجی روایتی قبول ایتشلرددر . فقط بزجه هیچ برطرفك اسباب ترجیحندن اوله رق استناد ایتدیكى دلیلاره کسب وقوف میسر اوله مدی . یالکسر ابن قیم الجوزیه حضرت تلرینك فی الجمله مجاهد طرفه میل ایدرک : « وعلى هذا فلم يؤخر النبي صلى الله عليه وسلم الحج بعد فرضه عاماً واحداً بل بادر الى الامتثال في العام الذي فرض فيه وهذا هو الايق برديه و حاله صلى الله عليه وسلم » دیدیکی کوریلورکه طوقوزنجی سنه حجتك ذی القعدة ده قیلنمش بولمسنندن ده فرضیت توجه ایتمه مش و بناء علیه پیغمبر حال و شان نبویلرینه موافق اولدیغی وجهله فرض اولدیغی سنه دن تأخیر ایتمه یوب اونونجی سنه سی خطاب توجه ایتدیکی کی ، علی الفور ادا ایتمش اولمسی لازم کلیور دیمکدر . کویا طوقوزنجی سنه حجتی ذی الحجه ده قیلنمش اوله ایدی ، بونك فرض اوله رق ایفا ایدیلسی ، بوحالده پیغمبرك طوقوزنجی سنه ده قیلمسی اقتضا ایدن حجتی اونونجی سنه یه تأخیر ایتمش اولمسی لازم کله جکدی . بوشبهه سز شان رسالته پکده ملایم دوشمز . ایشته ابن قیم حضرتلری شو مطالعه یه کوره